



Broj: 15-03-16-5-675/16

Datum: 8.7.2016. godine

Na osnovu člana 61. Zakona o upravi (Službeni glasnik BiH broj 32/02), člana 19. Zakona o Agenciji za identifikaciona dokumenta, evidenciju i razmjenu podataka BiH (Službeni glasnik BiH broj 56/08), člana 69. stav 2. tačka d) i člana 70. Zakona o javnim nabavkama BiH (Službeni glasnik BiH broj 39/14), direktor Agencije donosi slijedeću:

### **ODLUKU o poništenju postupka nabavke**

#### **I**

Poništava se postupak javne nabavke sigurnosnih vrata sa ugradnjom objavljen na web portalu Agencije za javne nabavke BiH, broj obavještenja: 1110-1-1-21-3-21/16 od 11.04.2016. godine, koji je proveden u skladu sa procedurom otvorenog postupka.

#### **II**

Ova odluka će se dostaviti ponuđačima u roku od 3 (tri) dana, a najkasnije u roku od 7 (sedam) dana od dana donošenja.

#### **III**

Ova odluka stupa na snagu danom donošenja.

### **O b r a z l o ž e n j e**

Na osnovu provedenog postupka nabavke, Komisija za nabavke je konstatovala da je rok za dostavu ponuda 11.05.2016. godine do 10:00 sati, te da su do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigle 3 ponude i to ponuđača: New Sanatron d.o.o. Novi Grad, Konzorcij MAXDBS d.o.o. Bijeljina i Protekta d.o.o. Sarajevo. Neblagovremenih ponuda nije bilo.

Komisija je predložila donošenje odluke o poništenju postupka nabavke, u skladu sa članom 69. stav 2. tačka d) Zakona o javnim nabavkama BiH, iz razloga što nijedna od primljenih ponuda nije prihvatljiva, odnosno sve dostavljene ponude su

ocijenjene kao nekvalifikovane nakon izvršene provjere kvalifikacije ponuđača prema uslovima učešća u tenderskoj dokumentaciji.

Dostavljene ponude nisu kvalifikovane i prihvatljive iz slijedećih razloga:


Ponuđač New Sanatron d.o.o. Novi grad nije dostavio dvije kopije ponude kako je to traženo tenderskom dokumentacijom, nego je dostavljen samo original i jedna kopija ponude i nije jasno naznačio koja vrata od ukupno tri modela sadržana u ponudi (EM24K, EM24K Plus ili EM24K Maxi) nudi u konkretnom slučaju. Osim toga dokumenta za član 48. Zakona o javnim nabavkama nisu dostavljena za ponuđača već drugo pravno lice koje nije ponuđač u konkretnom postupku javne nabavke.

Ponude konzorcija MAXDBS d.o.o. Bijeljina i Protekta d.o.o. Sarajevo ne ispunjavaju zahtjeve iz tenderske dokumentacije u pogledu opisa predmeta nabavke i tehničkih specifikacija, te nisu dostavljena sva tražena dokumenta tenderskom dokumentacijom, a koja su navedena u Zapisniku o ocjeni ponuda.

Komisija je prema specifikaciji navedenoj u tenderskoj dokumentaciji, provedenom postupku analize i ocjene ponuda izradila Zapisnik o ocjeni ponuda, u kojem su detaljno obrazloženi razlozi za poništenje postupka nabavke.

Na osnovu prijedloga Komisije, odlučeno je kao u dispozitivu ove odluke.

**Pouka o pravnom lijeku:** Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 10 (deset) dana od dana prijema ove odluke. Žalilac izjavljuje žalbu Uredu za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

X 

DIREKTOR

Edim Nesini

дигитално потписано / digitalno potpisano / digitally signed  
Signed by: ENESIM